



28. januar 2015

UPA 2014/137

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Naalackersuinikkut arlaannaannulluunniit attuumassuteqanngitsunik siunnersuisoqatigiinnik pilersitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Siunnersuisoqatigiit aatsitassarsiornermi aningaasaliisartut sanngisuussusiat aningaasaliisussarsiornermullu pilersaarutaat pillugit inassuteqaasiortassapput, pilersaarutit aalajangersimasut sanngisuussusiat pillugu paasisutissiisassallutik kiisalu aatsitassarsiornermi pilersaarutit ataasiakkaat siunissaq ungasinnerusiq eqqarsaatigalugu piujuartitsineq tunngavigalugu inuiaqatigiinni ineriartortitsinermik nassataqarnissaat siuarsaaqataaffigissallugu. Tamanna pillugu siunnersuisoqatigiit Naalackersuisunut innuttaasunullu inassuteqaasiortassapput.

(Inatsisartunut ilaasortat Naaja H. Nathanielsen aamma Sara Olsvig, Inuit Ataqatigiit)

Tunngavilersuut

Maluginiarparput Naalackersuisooqatigiit isumaqatigiissutaanni eqqaaneqartoq, immikkut ilisimasalinnit nunanit tamalaaneersunit inuttalimmik aatsitassaqaqarnermnut tunngasut pillugit siunnersuisartoqatigiisussanik pilersitsisoqassasoq. Tamanna isumaqarpugut 2014-imi upernaakkut ataatsimiinnermi siunnersuutigisatsinnut – ajorluartumilli taamani amerlanerussuteqartunit itigartinneqartumut - naapertuulluortoq.

Maanna siunnersuisartoqatigeeqarnissaa tamatigoornerusumik isumaqatigineqarmat, matumuuna pineqartumut tunngatillugu takorluukkavut saqqummiuteqqippagut. Neriuppugut siunnersuut maannakkut ilalernerqarumaartoq.

Siunnersuut pillugu makku oqaatigerusuppagut:

Nunat Australiatut, Canadatut aamma Norge-tut ittut aatsitassanut tunngatillugu nunatut ingerlatsinermi pitsaasumik ileqqoqarfiusutut isigisarpagut. Canada Australialu naalackersuinikkut arlaannaannulluunniit attuumassuteqanngitsunik siunnersuisoqatigiinnik pilersitsinikuupput aatsitassarsiornermi aningaasaliisartut aningaasaliisussarsiornermut pilersaarutaat pillugit naalackersuisunik siunnersuisartunik.

Suliaqarnermik attuumassutillit peqataaffigineqarluartumik suleqatiginerisigut aatsitassarsiornermi pilersaarutinut ataasiakkaanut tunngatillugu inuiaqatigiinnut iluaqutaasussanik periutsitigut aalajangersagaliortoqartarnissaa siunnersuisoqatigiit suleqataaffigisassavaat.

Isumaqarpugut kalaallit tamatumunnga assingusumik aaqqissuussinerat ingerlatsinermi ileqqutsinnut iluaqusersuutaallunilu nunatsinni aningaasaliinissamut tatiginninnerusogalerneranik kinguneqassasoq. Ilisimavarput Naamminersorlutik Oqartussat inuit paasisimasaqarluartut avataaneersut suliassap tamatuma ilaanik naammassinnittussat ullumikkut sulisussarsiarisaraat. Isumaqarpugulli pitsaanerullunilu akimut ersin-

nerussasoq naalackersuinikkut arlaannaannulluunniit attuumassuteqanngitsunik siunnersuisoqatigiinnik ataavartunik pilersitsigaanni.

Paasinarpoq nunat allamiut aaqqissuussaataat pissutsinut atukkatsinnut inatsisitsinnullu naleqqussarnagu eqqunneqarsinnaanngimmat. Siunnersuisoqatigiit suliffissuaqarnerup, naalackersuisutigoortuunngitsumik suliniaqatigiiffiit aammalu ilisimatuutut misissuiffiit sinniisaannik ilaasortaqaarsinnaapput.

Pisortani aningaasaqarnikkut allaffissornikkullu kingunerisassaataat

Aningaasartuutaasussatut missingiunneqarput ukiumut kr. 1. mill. Aningaasartuutissatut missingiut Aningaasaqarnermut Siunnersuisooqatigiinnut atorneqartartut annertoqataanik. Maluginiarparputtaaq Naalackersuisut Naalackersuisooqatigiit isumaqatigiisutaani taamatut ipajaartumik siunnersuisooqatigiinnik pilersitsiniartut, taamatullu Inatsisartut Aningaasanut Inatsisissaannut 2016-imut ikkunneqassasoq, tamaalippallu isumaqataajumaarpugut.

Namminersorlutik inuussutissarsiortunut aningaasaqarnikkut allaffissornikkullu kingunerisassaataat

Piffissami qaninnerusumi ungasinerusumiluunniit soqanngilaq.

Innuttaasunut aningaasaqarnikkut allaffissornikkullu kingunerisassaataat

Innuttaasunut aningaasaqarnikkut allaffissornikkullu kinguneqassanngilaq. Siunnersuut aatsitassarsiortnermut tatiginninnerulernermik kinguneqarsinnaavoq, ilaatigut suliaqarnermik attuumassutillit, taakkua ilagalugit innuttaasut naalackersuisutigoortuunngitsumillu suliniaqatigiiffiit susassaqaartut, peqataatinnerisigut peqataafigineqarluartumik oqaloqatigiissitsisarnernik toqqammaveqartumik aatsitassarsiortnerup tungaatigut pingaarnerusutigut anguniagassaliortarnerit inuiaqatigiinnut iluaqutaasussat qulakkeerneqartarnerisigut.